



Inatsisartunut ilaasortaq Emanuel Nûko, Naleraq
Inatsisartut Allattoqarfiat
/Maani

14-12-2021

TelePost-ip Tusass-imik atserneqarneranut atatillugu aningaasartuutit pillugit § 37 tunngavigalugu apeqqut 2021/151-imut akissut.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Emanuel Nûko,

Ingerlatseqatigiiffinnut Namminersorlutik Oqartussanit pigineqartut ilaannut ataatsimut ingerlatsinermut suliaasaqarfik pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortinneqarsimapput.

Apeqqutigineqartut sammisanut Tusass-ip akisussaassuseqarneranut aalajangiisinnaassuseqarneranullu piginnaatitaanerinit innersuussimmata ingerlatseqatigiiffiup aqutsisuinut akissutissanik pissarsiniartoqarsimavoq.

Aallaqqaasiutigalugu erseqqissarusuppara ingerlatseqatigiiffiup aqutsisui avataanit immikkut ilisimasanik kiffartuussissutinillu pisinissamut aalajangersimanerat Naalakkersuisut paasisinnaanngimmassuk. Naalakkersuisut isumaqarput, suliaasaq taama ittoq nunatsinni pilersuisumit isumagineqarsinnaalluartoq

Apeqqutigineqartut ima oqaasertaqarput:

- 1. Telepost – tusass’-imik ateqalernera tamakkiisumik qanoq akeqarpa?**
 - a. Allannguinermi aningaasartuutit qanoq annertutigisut avammut atornerqarpat?**
 - b. Allannguinermi aningaasartuutit qanoq annertutigisut nunatsinni atornerqarpat?**

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

”Aningaasartuutit taaguutip allanngortinneranut toqqaannartumik tunngassuteqartut immikkut isiginiassagaanni aningaasartuutit 3,8 mio. kr.-upput.

Tamatuma saniatigut suliat annertungaatsiartut suliarineqarsimapput, taakkulu suliffeqarfiup taaguutaa allanngortinneqarsimannikkaluarpuunniit suliarineqarsimassagalarput. Suliat taakku assersuutigalugit tassaasinnaapput illuutit qalipanneqarnerat, sullisit ilisarnaataata allanngortinneqarnerat assigisaallu. Suliat

taakku taaguutip allanngortinneranut ataqatigiissaarneqarput, taaguutillu allann-gortinnissaa ukiunni marlunni pilersaarutaasimavoq, taamaammat pissusissami-suunnigitsumik aningaasartuuteqarsimanngilaq.

Nittartakkat: telepost.gl; post.gl aamma; tusass.gl kattunneqarnerat aamma ukiuni arlariinni pilersaarutaasimavoq tassungalu pissutsit suliaqarnermut, sillimaniar-nermut, aningaasaqarnermut aammalu isumalluutitut tunngasut pissutaasimapput. Suliffeqarfiup taaguutaa allanngortinneqarsimanngikkaluar-palluunniit taakku-nunnga aningaasartuuteqarsimassaaq."

1.a-mut akissut

"Taaguutip allanngortinneqarnera eqqarsaatigalugu aqutsisut naliliisimapput avataaniit immikkut ilisimasaqartunit pissarsinissaq pisariaqartoq. Taaguutip allanngortinneranit aningaasartuutinit tamakkiisuniit 3,8 mio.kr.-iusunit tassunga katillugit 3,6 mio. kr.-t aningaasartuutigineqarsimapput. Aningaasartuutit pingaartumik Savalimmiuni suliffeqarfimmu Sendistovan-imut avammut paasisitsiniaanermik suliaqartartumut atorneqarsimapput, suliffeqarfiup taanna assingusunik suliaqarluartarsimanera tunngavigalugu tulluarnepaatut aqutsisunit nalilerneqarsimavoq."

1.b-mut akissut

"Taaguutip allanngortinneranit aningaasartuutinit tamakkiisuniit 3,8 mio.kr.-iusunit 0,2 mio. kr.-t Kalaallit Nunaanni atorneqarsimapput. Taaguutip allanngortinneranut atatillugu aserfallatsaaliuinnermut ingerlatsinermullu ataqatigiissaakkamik aningaa-sartuutigineqartut suliffeqarfiup nalinginnaasumik pilersuisartuunit isumagi-neqarput, taakkulu tassaanerullutik sumiiffinni suliffeqarfiit, soorlu qalipaasut, innaallagisserisut, sullisinik ilisarnaatilinnik tuniniaasartut, pequtinik tuniniaasartut il.il."

2. Atuisut akikillisaavineqarsimagaluarunik ajunnginnerunngikkaluarner-luni?

Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissu-teqarpoq:

"Taaguutip allanngortinnissaannut suliamut piareersarneq ukiut marluk matuma missaata siorna aallartippoq, aallaqqaataaniilli aalajangerneqarpoq suliniut qitiusumik atorfeqartunit aqunneqassasoq, aammalu suliap tamaa suliffeqarfiup oqaluttuarisaaneranut aammalu suliffeqarfiup oqaluttuarisaanermi inuiaqatigiinnut kalaallimut pingaassusaanut ataqinnissasoq.

Ukiuni kingullerni suliffeqarfiup pisariillisaanerit piviusunngortissimavai, taakkulu tunngavigalugit ukiuni aggersuni Nuna tamakkerlugu nalunaarasuartaatikkut atassutit pitsaanerulersimissaannut aningaasaliinissaq attanneqarsinnaasooq peqatigisaanillu mobilinut internetimullu akit apparneqarsinnaapput, tamakkulu

saniatigut Nunatta Karsianut iluanaarutissat isumaqatigiissutigineqarnikut tunniunneqarsinnaallutik.

Taamaammat maanna nutaamik ersarinnerusumillu kalaalerpalaartumik ilisarnaaseqarluta nunap digitalinngorsarnissaanut suliaq nangissallugu qilanaaraarput."

Apeqqummut saqqummiunneqartumut allanik ilassutissaqanngilanga.

Inussiarnersumik inuulluaqqusillunga



Múte Bourup Egede



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apeqqut imaattoq saqqummiuppara:

Naalackersuisunut apeqqut:

- 1. Telepost – tusass’-imik ateqalenera tamakkiisumik qanoq akeqarpa?**
 - a. Allanguinermi aningaasartuutit qanoq annertutigisut avammut atorpeqarpat?**
 - b. Allanguinermi aningaasartuutit qanoq annertutigisut nunatsinni atorpeqarpat?**
- 2. Atuisut akikillisaavigineqarsimagaluarunik ajunnginnerunngikkaluarnarluni?**

(Inatsisartunut ilaasortaq, Emanuel Nûko, Naleraq)

Tunngavilersuut:

Oktoberip qaammataani inuiaqatigiit Telepost-imik atuisuusugut paasitinneqarpugut ullormiit ullormut Telepost taaguut taarserneqartoq tusass’-inngorlugu.

Naatsorsuutigineqarsinnaavoq taamatut allanguineq akisungaatsiarsimassasoq atuisut akiligassaat. Tamannalu tunngavigalu maanna apeqquteqaateqarpunga.

Apeqqutit ullut suliffiit qulit qaangiutsinnagit akineqarnissaat kissaatigaara